

AMAL QILISH DOIRASI

3. Ushbu standart ilmiy-tekshirish va tajriba-konstruktorlik ishlab chiqishlari xarajatlarini hisobga olish chogʻida qoʻllaniladi.

4. Ushbu standart qazib olish tarmoqlarida neft, gaz, mineral konlarni qidirish va ularni ishlab chiqish xarajatlariga nisbatan qoʻllanilmaydi. Biroq u mazkur tarmoqlardagi boshqa tekshirishlar va ishlanmalarga nisbatan qoʻllaniladi.

5. Xoʻjalik yurituvchi subʼyekt kontraktga muvofiq boshqa xoʻjalik yurituvchi subʼyekt uchun tekshirishlar oʻtkazishi va ishlanmalar bilan shugʻullanishi mumkin. Kontrakt shartlariga koʻra tekshirishlar va ishlanmalar bilan bogʻliq boʻlgan barcha xarajatlar va foydalar boshqa subʼyektga oʻtkazilsa yoki oʻtkaziladigan boʻlsa, bu faoliyatni amalga oshiradigan xoʻjalik yurituvchi subʼyekt «Tovar-moddiy zaxiralar» BHMS yoki «Kapital qurilishga pudrat shartnomalari» BHMSga muvofiq xarajatlarni hisobga olib boradi. Bu faoliyat bilan bogʻliq xatarlarni zimmasiga oladigan va keladigan daromadlarni oladigan xoʻjalik yurituvchi subʼyekt ushbu xarajatlarni ushbu standartga muvofiq hisobga oladi.

6. Agar xoʻjalik yurituvchi boshqa subʼyekt bilan tuzilgan kontrakt shartlari boʻyicha ilmiy tekshirish va tajriba-konstruktorlik ishlari bilan bogʻliq xarajatlar va daromadlar boshqa xoʻjalik yurituvchi subʼyektga oʻtkazilmasa yoki keyinchalik ham oʻtkazilmasa, u holda ilmiy tekshirish va tajriba-konstruktorlik ishlanmalari bilan shugʻullanuvchi xoʻjalik yurituvchi subʼyekt oʻz xarajatlarini ushbu standartga muvofiq hisobga olib boradi.